



19. maj 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquaqqaaterparpunga.

Naalakkersuisunut apeqquaqqaatit:

1. Qanoq ilillutik akit pisortat akilertagaat aalajangersarneqartarpat, meeraq ulloq unnuarlu angerlarsimaffimmut inissinneqaraangat?
 - a. Akit maannakkut atuuttut Naalakkersuisunit nalunaarutigeqquneqarput.
2. Ulloq unnuarlu angerlarsimaffimmut ersarissumik isumaqatigiissusiortoqartarpa, meeqqap inissineqartup qanoq sullinneqarnissaa naatsorsuutigineqassanersoq?
 - a. Qanoq ililluni nakkutigineqartarpa, isumaqatigiissut taanna isumaqatigiissutillu assigusut ulloq unnuarlu angerlarsimaffimmit malitsinneqarnersut?
 - i. Suut kingunerutinneqassappat ulloq unnuarlu angerlarsimaffimmut, isumaqatigiissut aammalu isumaqatigiissutit allat malitsinneqanngippata?
3. Akigititap assigiinngissutaa qanoq annertutigaa meeqqap ilaqtariinnut inissinneqarnerani aammalu ulloq unnuarlu angerlarsimaffimmut inissinneqarnerani?
4. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Karen Marie Kyed Frederiksen, Demokraatit)

Tunngavilersuut

Pisortat uanilu pingaartumik kommunit ulloq unnuarlu inissiisarfimmut inisiinernut annertoorujussuarmik aningaasartuuteqartarput.

Pitsaasumik inuunerissaarfiusutut pisussaaffigaarput meeqqat pitsaasumik paaqqineqarnissaat, arlaatigut peqquteqartumik angajoqqaaminni najugaqarsinnaanngitsut. Tamanna qularutigineqanngilluinnassaaq.

Pingaartuuvorli, uagut politikikkut aalajangiisartuusugut qulakkiissagipput, akileraarutinit isertut, meeqqat angerlarsimaffiup avataanut inissinnerini akiliutigisartakkatta pitsaanerpaamik atorneqarnissaat.

Soorlu assersuutigalugu maluginiarsimavara, akikinnerujussuusooq ilaqtariinnut meeqqat inissikkaanni, ilisimavarali tamanna periarfissaajuaannanngitsooq.

Inissiineq suugaluarpalluunniit pingaartippara, aningaasat atorneqartut pitsaasumik meeqqanullu ajunngitsussaq anguniarlugu atorneqarnersut misissuisoqarlunilu nakkutigilliisoqartarnissaa.

Apeqquaqqaatima ullut suliffiusut qulit iluanni akineqarnissaat qilanaaraara.